

**Uunga siunnersuut: Nunat Aqqinik Aalajangiisartut pillugit Inatsisartut inatsisaat nr. xx,
xx. xxx 2017-imeersoq**

*Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisumit
saqqummiunneqartoq*

Pillugu

**Ilinniartitaanermut, Kultureqarnermut, Ilisimatusarnermullu Ilageeqarnermullu
Ataatsimiititaliap**

ISUMALIUTISSIISUTAA

Siunnersuutip aappassaneerpeqarnerani saqqummiunneqartoq

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap kingullermik suliarinninnermini ukuninnga inuttaqarpoq:

Inatsisartunut ilaasortaq Mimi Karlsen, Inuit Ataqtigii, Siulittaasoq
Inatsisartunut ilaasortaq Vivian Motzfeldt, Siumut, Siulittaasup tullia
Inatsisartunut ilaasortaq Laura Tàunâjik, Siumut
Inatsisartunut ilaasortaq Peter Olsen, Inuit Ataqtigii
Inatsisartunut ilaasortaq Henrik Fleischer, Partii Naleraq

UPA 2017-mi ulloq 21. april 2017 siunnersuutip oqallisigineqareernerata kingorna
siunnersuut ataatsimiititaliamit misissorneqarpoq.

Siunnersuutip imarisaa siunertaalu

Inatsisissatut siunnersuummi siunertarineqarpoq nunat aqqinik aalajangiisartut
ataatsimoortinneqarnissaat kiisalu sulianut ilisimasaqarnerulernissaasa anguneqarnissaat.
Inatsisissatut siunnersuutikkut Nunat aqqinik aalajangiisartuni piumasaqaatit sulinerlu
ersarissunngortinneqassapput, ilaatigut nunat aqqinik aalajangiisartut pillugit inatsisissamut
naleqquttumik nunat aqqinik aalajangiisartut piginnaasaasa ersarissarneqarnerisigut.

Siunnersuutip inatsisartuni siullermeerlugu suliarineqarnera

Inatsisissatut siunnersuutip siullermeerlugu suliarineqarnerani siunnersuut
amerlanerussuteqartunik tapersorneqarpoq, kiisalu uparuartorneqarani ataatsimiititaliamut
suliassanngortinneqarluni.

Tusarniaanermi akissutit

Tusarniaanermi akissutit inatsisissatut siunnersuummut ilanngunneqarsimapput, tamannalu ilusiliinissamut piumasaaqatitut inatsisartut siulittaasoqarfianit aalajangersarneqarsimasunut naapertuuppoq.

soqutigisaqaqatigiinnut inatsisissatut siunnersuummut attuumassuteqartunut tusarniaaneq ingerlanneqarsimasoq piffissami 15. december 2016-miit 20. januar 2017-mut, kiisalu tusarniaasarnermut nittartakkamiitinneqarsimalluni.

Tamanna suleriaatsimut nalinginnaasumut naapertuuppoq, tassami sapaatip akunneri sisamat imaluunniit amerlanerusut tusarniaanermi atorineqarsimammata.

Tusarniaanermi akissuteqaatit nassiunneqarsimasut ataatsimiititaliamit misissorneqarsimapput.

Oqaaseqaatit nassiunneqarsimasut tutsuviginartuupput inatsisissatullu siunnersuummut naammaginatsumik naapertuullutik.

Siunnersuutip ataatsimiititaliamit suliarineqarnera

Ulloq 27. april 2017 Ilinniartitaanermut, Kultureqarnermut, Iisimatusarnermut Ilageeqarnermullu Naalakkersuisumit inatsisissaq pillugu misissuineramik ataatsimiititaliaq tigusaqarpoq. Ilaatigut Naalakkersuisup nassuiaatigai nunat aqqinik aalajangiisartut malittarisassaat apeqqutaatinnagit piffinni inuttaasut nunat aqqinik aalajangiiniarnermi kiisalu Najukkami inuttaasut il.il. aalajangiisartut nunap aqqinik aalajangersaalluni sulinerani peqataatinneqarnissaat kiisalu oqaasiliortut tamatumunnga najoqqutassiaat apeqqutaatinnagit najukkani sumiorpalussutsit allattariaatsillu atorineqarnissaannut periarfissat Naalakkersuisup ataatsimiinnermi nassuiaatigai.

Aalajangiussassatut siunnersuut ilusimisut isikkoqartilluni naammaginarimat ataatsimiititaliamit annertunerusumik oqaaseqarfineqassanngilaq.

Siunnersuutip aningaasatigut kingunerisassai

Siunnersuutip atuutilerineqarneratigut aningaasatigut kingunissaqartinneqanngitsoq siunnersuummut nalinginnaasumik nassuiaatini allassimavoq. Tunngavissatut saqqummiunneqartut tunngavigalugit ataatsimiititaliaq allatut naliliinissaminut tunngavissaqarsimanngilaq. Apeqqut tamanna Naalakkersuisut misissorluarsimassagaat, taamaattumillu aningaasatigut kingunissaqartinneqanngitsutut ataatsimiititaliamit tutsuvineqarluni. Naatsorsuutigineqartunit amerlanerusumik aningaasartuutitaqassagaluarpas, aningaasaliissutaareersumik akilerneqarsinnaasoq nalilerneqarpoq, taamaattoqassappallu suliniutit allat tunulluittariaqarneranik nassataqassaaq.

Ataatsimiititaliamit inassuteqaat

Siunnersuut ilusimisut iluseqartoq **akuerineqassasoq** ataatsimiititaliap **isumaqatigiittup** inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaanniingassanngortippaa.

Mimi Karlsen
Siulittaasoq

Vivian Motzfeldt
Siulittaasup tullia

Laura Tàunâjik

Peter Olsen

Henrik Fleischer